

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Коми Республика мутасын пемӧсьяслы лӧсьӧдӧм приютъяслысь уджсӧ котыртан да сӧні пемӧсьясӧс видзан нормаяс урчитан пӧрадок вынсьӧдӧм йылысь»

Коми Республикаса Веськӧдлан котырлӧн

2020 во косму тӧлысь 28 лунся 210 №-а шуӧмӧ вежсьӧмъяс пыртӧм йылысь

Коми Республикаса Веськӧдлан котыр шуис:

1. Пыртны «Коми Республика мутасын пемӧсьяслы лӧсьӧдӧм приютъяслысь уджсӧ котыртан да сӧні пемӧсьясӧс видзан нормаяс урчитан пӧрадок вынсьӧдӧм йылысь» Коми Республикаса Веськӧдлан котырлӧн 2020 во косму тӧлысь 28 лунся 210 №-а шуӧмӧ татшӧм вежсьӧмъяс:

1) нимсӧ гижны тадзи:

«Коми Республика мутасын пемӧсьяслы лӧсьӧдӧм приютъяслысь удж котыртан пӧрадоксӧ да сӧні пемӧсьясӧс видзан нормаяссӧ урчитӧм йылысь»;

2) 1 пункт гижны тадзи:

«1. Урчитны Коми Республика мутасын пемӧсьяслы лӧсьӧдӧм приютъяслысь удж котыртан пӧрадоксӧ да сӧні пемӧсьясӧс видзан нормаяссӧ содтӧд серти.»;

3) Коми Республика мутасын пемӧсьяслы лӧсьӧдӧм приютъяслысь уджсӧ котыртан да сӧні пемӧсьясӧс видзан нормаяс урчитан пӧрадоксӧ, мый вынсьӧдӧма шуӧмӧн (содтӧд), гижны содтӧд серти.

2. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса Веськӧдлан котырӧн

Юрнуӧдысьӧс Медводдза вежысь

И. Булатов

Сыктывкар

2021 вося рака тӧлысь 3 лун

97 №

Коми Республикаса Веськӧдлан котырлӧн
2021 во рака тӧлысь 3 лунся 97 №-а шуӧм
СОДТӦД

«Коми Республикаса Веськӧдлан котырлӧн
2020 во косму тӧлысь 28 лунся 210 №-а шуӧм дорӧ
СОДТӦД

Коми Республика мутасын пемӧсьяслы лӧсьӧдӧм приютъяслысь удж котыртан

ПӖРАДОК

да сэнӧ пемӧсьясӧс видзан нормаяс

I. Панас

1.1. Тайӧ пӧрадокыс урчитӧ Коми Республика мутасын пемӧсьяслы лӧсьӧдӧм приютъяслысь удж котыртан пӧрадоксӧ (водзӧ – приют), а сӧдзжӧ сэнӧ пемӧсьясӧс видзан нормаяссӧ сы могысь, медым видзны пемӧсьясӧс, кодъяслӧн кӧзыинъясыс абуӧсь либӧ абу тӧдсаӧсь, пемӧсьясӧс, кодъясӧс кыин кутан инӧдысь кӧзыинъясыс ӧткажитчисны.

1.2. Тайӧ Пӧрадокын вӧдитчан кыввежӧртасъясӧн вӧдитчӧны вежӧртасъясын, кутшӧмъясӧс индӧма федеральной оланпастэчасын.

1.3. Пемӧсьясӧс видзан удж збыльмӧдӧгӧн колӧ кутчысьны «Пемӧсьясӧс кывкутӧмӧн видзӧм йылысь да Россия Федерацияса торъя оланпастэчас актъясӧ вежсьӧмъяс пыртӧм йылысь» Федеральной оланпаслӧн 9, 16 да 17 статьясӧн урчитӧм корӧмъясӧ (водзӧ – 498-ФЗ №-а Федеральной оланпас).

1.4. Пемӧсьяслы лӧсьӧдӧм приютъяс кыин кутысьяс да наӧн уполномочитӧм йӧз сетӧны позянлун:

приютӧн урчитӧм кадӧ гражданылы волыны приютъясӧ, сэтшӧм лунъяс кындзи, кор жыръяссӧ санитарнӧя обработайтӧны или дезинфицируйтӧны;

доброволечьяслы (волонтёръяслы) волыны приютӧ сийӧ кадӧ, мый урчитӧма приютлӧн уджалан кадӧн, сэтшӧм лунъяс кындзи, кор жыръяссӧ санитарнӧя обработайтӧны или дезинфицируйтӧны.

1.5. Приютъясын вермӧны недыр кад чӧж видзны (меститны) гортса пемӧсьясӧс, кодъясӧс индӧма 498-ФЗ №-а Федеральной оланпаслӧн 3 статьяса 4 пунктын, налӧн

көзьяиньяскөд артмөдчөм серти, а сідзжө дон босьтөмөн сетны ветеринарнөй да мукөд услуга, кутшөмьяс йитчөмаөсь гортса пемөсьясөс видзөмкөд.

II. Приют меститөм да сылысь жырьяс лөсьөдөм дорө корөмьяс

2.1. Приютьяссө меститөны торйөн сулалысь да та вылө урчитөм зданиеясын, стрөйбаясын, сооружениясын, сы лыдын абу капитальнөй, көні эм пемөсьясөс гуляйтөдөм вылө колана мутас.

2.2. Приют урчитө приютын видзан пемөсьяслысь медыджыд лыдсө пемөсьясөс видзан да жырьяс лөсьөдан, сы лыдын уна сикас пемөсөс приютын видзан, нормаясө кутчысьөмсө төд вылө босьтөмөн, кутшөмьясөс урчитөма тайө Пөрадокөн.

Приютьясын видзан пемөсьяслөн медыджыд лыдыс оз вермы лоны 1000 пемөсысь унджык.

2.3. Приютлысь мутассө колө потшны. Потшны колө сэтшөм ногөн, медым приют мутасө эз вермы пырны пемөсьяс (лэбачьяс да посни гыжгуньяс кындзи). Колө, медым 0,3 метраысь оз этшаджык муө суйөм потшөслөн джудждаыс вөлі 2 метраысь эз этшаджык.

2.4. Приютлысь мутассө колө юклыны татшөм зонаяс вылө:

пемөсьясөс недыр кад чөж видзан, кытчө пырө пемөсьясөс примитан юкөн, - манеж, карантиннөй жыр, ветеринарнөй пункт, стационарнөя пемөсьясөс бурдөдөм вылө жыр;

пемөсьясөс пыр видзан, кытчө пырөны жырьяс, вольерьяс, пемөсьяссө гуляйтөдөм вылө площадкаяс;

административнөй да овмөс нуөдан, кытчө пырөны административнөй да овмөс нуөдан службаяслөн зданиеяс да сооруженияяс (сы лыдын абу капитальнөй), подсобнөй жырьяс, вердас пуанін (сэк, кор пемөсьяссө оз вердны пемөсьяслы вөчөм дась вердасөн), пемөсьяслы вердас видзан склад.

2.5. Колө, медым приютын вөлі ваөн мөгмөдан да ва бокө нуөдан өтувья, абу тырвыйө өтувья либө мөд сикас системаяс, сынөд пыртан да кыскан вентиляция. Приютлысь жырьяссө колө искусственнөя да (либө) естественнөя югзьөдны.

2.6. Колө, медым приютлөн ветеринарнөй пунктө, карантиннөй жырйө, стационарө, пемөсьясөс видзөм вылө жырьясө пыраніньяслөн судтаыс вөлі 2 м да пасьтаыс 90 см эз ичөтджык.

2.7. Колө, медым пемөсьясөс видзөм вылө вольерьяс, мобильнөй приспособлениеяс да жырьяс (клеткаяс), специализируйтөм жырьяс костын ветланіныс вөлі 2 м эз векныдджык.

2.8. Приютлөн мутасө пыранінын (петанінын) пунктөны дезинфицируйтөм коврикьяс, мыйясөс көтөдөма дезинфицируйтан растворьясөн.

Приютсө колө торйөдны йөз оланіньясысь санитарнөй да видзчысян зонаөн. Санитарнөй да видзчысян зоналысь ыдждасө лөсьөдөны санитарно-эпидемиологическөй правилөяслөн да нормативьяслөн корөмьяс серти, кутшөмьясөс урчитөма гражданагысь безопасносът видзөм могысь да лөсялана объектьяс уджөдөм вылө колана условиеяс лөсьөдөм могысь.

2.9. Приютлөн жырьясын, көні видзөны пемөсьяссө, сынөдлысь температура да васөдлун режим дорө, югзьөдөм да сынөд төлөдөм дорө нормаяссө, а сідзжө найөс ваөн могмөдөм да ва бокө нуөдөм дорө нормаяссө вөзйөны лөсьөдны «РД-АПК 1.10.07.03-14. Россия Федерацияса видз-му овмөс министерстволөн агропромышленнөй комплекслөн нормативнөй документьяс система. Технологическөя проектируйтөм серти методическөй рекомендацияяс. Кар овмөдчөминьяслы да мукөд муниципальнөй юкөнлы ветеринарнөй объектьяс технологическөя проектируйтан методическөй рекомендацияяс» серти.

Ывлаын видзигөн микроклимат серти параметрьяссө оз нормируйтны.

Приютлөн мутасын колө лөсьөдны площадка, көні контейнерьясын кутасны видзны шыбласьяс, сы лыдын пемөсьяслөн олөмысь шыбласьяс.

Шыбласьяссө, сы лыдын пемөсьясөс видзөмысь шыбласьяссө, бырөдөны гөгөртас видзан юкөнын Россия Федерацияса оланпастэчас серти. Биологическөй шыбласьяссө бырөдөны Биологическөй шыбласьяс чукөртан, иналан да бырөдан ветеринарно-санитарнөй правилөяс серти.

**III. Ветеринарнөй пункт да карантиннөй жыр, стационар условиеясын
пемөсьясөс бурдөдөм вылө индөм жыр, пемөсьясөс видзөм вылө жырьяс,
вольерьяс лөсьөдөм дорө корөмьяс**

3.1. Ветеринарнөй пунктсө лөсьөдөма приютө веськалөм пемөсьясөс амбулаторнөя да стационарнөя бурдөдөм вылө, диагностика боксянь туялөмьяс да висьөмьясысь бурдөдан-өлөдан обработкаяс нуөдөм вылө.

Ветеринарнӧй пунктсӧ вермӧны меститны кызди торъя зданиеын, сідзи и административнӧй да овмӧс нуӧдан стрӧйбаын, сооружениеын, та лыдын и абу капитальнӧйын, либӧ вермӧ меститчыны карантиннӧй жырйын.

Ветеринарнӧй пункт водзын сувтӧдӧны манеж — пемӧсьясӧс примитанін, кытчӧ лӧсьӧдӧны домъяс, сылі домъяс, нырвыв тасьяс, посни пемӧсьяслы клеткаяс, юан ва вылӧ тасьтіяс, домъяссӧ пысаланінъяс сы могысь, медым пемӧсьяс эз вермыны ветлӧдлыны манеж кузя.

Ветеринарнӧй пунктса мебельлысь, ӧдзӧсьяслысь да ӧшиньяслысь вевдорсӧ колӧ вӧчны зумыдӧн, медым найӧс позьӧ вӧлі кокныда мыськыны да тшыкӧдтӧг весавны мыськалан да дезинфицируйтан средствоясӧн.

Ветеринарнӧй пунктлысь, карантиннӧй жырлысь джоджъяссӧ, стенъяссӧ, верданінъяссӧ да мукӧд оборудованиесӧ вӧчӧны сэтшӧм материалъясысь, кутшӧмъясӧс позьӧ кокныда дезинфицируйтны, мый нуӧдӧны жырсӧ пемӧсьясысь прӧстмӧдӧм бӧрын.

Ветеринарнӧй пунктӧ позьӧ пуктыны содтӧд колана медицина оборудование да могмӧдны колана мебельӧн.

3.2. Карантиннӧй жырсӧ лӧсьӧдӧма сы могысь, медым видзны пемӧсьяссӧ карантинируйтан периодӧ.

Карантиннӧй жырйын пемӧсьяссӧ колӧ видзны торъя отсекаясын, клеткаясын либӧ вольерьясын, медым пемӧсьяс ӧта-мӧд дорӧ эз вермыны матыстчыны.

Ӑти пемӧссӧ видзӧм вылӧ площадь нормасӧ индӧны пемӧслӧн ыждаысь да сійӧ лӧӧ:

гырысь пемӧсьяслы 25 кг-сянь сьӧктаӧн 2,0 кв.м-ысь абу ичӧтджык;

шӧркодь пемӧсьяслы 25 кг-ӧдз сьӧктаӧн 1,5 кв.м-ысь абу ичӧтджык;

посни пемӧсьяслы – 0,5 кв.м-ысь абу ичӧтджык.

Колӧ, медым карантиннӧй жырйын джоджыс вӧлі чорыд да шылыд веркӧса, медым лӧсяліс мыськыны ваӧн да обработайтны дезинфицируйтан средствоясӧн, а сіджӧ колӧ вӧчны ва визувтанін да ва визувтанінлань пӧкат.

Карантиннӧй жырсӧ пелькӧдӧны да дезинфицируйтӧны быд лун, а сіджӧ быд пемӧслӧн карантинируйтан период помассьӧм бӧрын либӧ пемӧс кувсьӧм бӧрын.

Карантиннӧй жырйӧ пыранінӧ (жырйысь петанінӧ) пуктӧны дезинфицируйтӧм коврикъяс, кутшӧмъясӧс кӧтӧдӧма дезинфицируйтан растворъясӧн.

3.3. Пемӧсьясӧс стационарнӧя бурдӧдӧм вылӧ жырсӧ (водзӧ — стационар) лӧсьӧдӧны шоныдӧн могмӧдӧм торъя жырйын, кӧні лӧсьӧдӧма торъя отсекаяс да (либӧ) клеткаясӧн, мый отсӧгӧн пемӧсьяс оз вермыны ӧта-мӧд дорӧ матыстчыны.

Быдөнлөн торъя клеткаессо колө бура торйодны ота-модсыныс, медым пемосъяс оз вермыны ота-мод дорө матыстчыны.

Колө, медым стационарын джоджыс вөлі чорыд да шылыд веркөса, медым лөсяліс мыскыны ваон да обработайтны дезинфицируйтан средствоясон, а сідзжө колө вөчны ва визуванін да ва визуванінлань покат.

Колө, медым стенъяслысь да пөтөлөкъяслысь веркөсыяссө вөлі позьө пыр мыскыны да дезинфицируйтны.

Стационарсө пелькөдөны да дезинфицируйтөны быд лун, а сідзжө пемөссө бурдөдан период помасъём бөрын либө пемөс кувсъём бөрын.

3.4. Пемосъясөс видзанінъяссө лөсьөдігөн төд вылө босътөны сійөс, мый колө могмөдны йөзлысь безопасностсө, видзны ортыса лекторъясысь, да сы могысь пемосъяслы лөсьөдөны торйөдөм отсекаясь либө чомъясон вольеръяс. Торъя сикас пемосъясөс колө видзны торйөн.

Колө, медым пемосъясөс видзөм вылө жыръясын джоджыс вөлі чорыд да шылыд веркөса, медым позис мыскыны ваон да обработайтны дезинфицируйтан средствоясон.

Колө, медым стенъяслысь да пөтөлөкъяслысь веркөсыяссө вөлі позьө пыр мыскыны да дезинфицируйтны.

Пемосъяс видзөм вылө жыръяс да вольеръяс вермасны лоны пемосъяссө торйөн либө чукөрөн видзөм вылө да найөс колө лөсьөдны карантин жырйысь бокин.

Приютлөн мутасын пемосъяслы вольеръяссө лөсьөдөны жыръясысь бокин да сэнн пемосъяссө вермөны видзны торйөн либө чукөрөн.

Вольеръасын вөзйөны видзны понъясөс.

Пемөс видзөм вылө вольерын эм:

1) 2 кв. м-ысь абу ичөтджык пөдса юкөн;

2) 4 кв. м-ысь абу ичөтджык гуляйтөдан площадка.

Вольеръяссө вөчөны вылын, кос местаын, вольеръасын гуляйтөдан площадкаяссө вөчөны ёнджыкасө пөльтысь төвъяслы паныд.

Вольерлөн пөдса юкөнө сувтөдөны пу чом, кытчө төвнас пуктөны вольөс, розьсө тупкөны топыд дөраөн.

Колө, медым чом джудждаыс, кузьтаыс да пасьтаыс вөлі эз этшаджык сы кузьтаысь, мыйта лоө пемөслөн морөссяныыс бөж заводитчытөдзыс.

Вольерын гуляйтөдан площадкалысь джоджсө вольсалөны пемосъяслы безопасной материалъясон, кутшөмъяслөн эмөсь гигроскопичной да сорбирующей свойствояс (төв кындзи).

Пемöсьяслы лöсьöдöм приютлысь жырьяссö, вольерьяссö да пемöсьясöс гуляйтöдан площадкаяссö пелькöдöны быд лун. Пемöсьяслы лöсьöдöм приюта жырьясын, вольерьясын да мутасьясын планöвöй дезинфекциясö, дезинсекциясö да дератизациясö нуöдöны тöлысьнас 1-ысь оз гежöдджыка пемöсьяслы безопаснöй средствоясöн вöдитчöмөн.

IV. Приютö пемöсьяссö босьтан да пемöсьясöс приютын видзан мукöд мероприятие нуöдан пöрадок

4.1. Приют гражданскöй оланпастэчаслөн корöмьяс серти кырымалöм сёрнитчöмьяс подув вылын примитö пемöсьяссö ашöр уджалысьясынь да юридическöй кывкутысьясынь, кодьяс збыльмöдöны кöзяинтöм пемöсьясöс куталöм, нуöдöм да сетöм, а сіджö кöзяинтöм пемöсьясöс важ оланіньясö бөр лэдзöм серти удж (водзö — Специализируйтöм организация), кöзяиньясынь, кодьяс öткажитчисны пемöсысь, а сіджö артмöдчöм серти примитöны гортса пемöсьяслөн кöзяиньясынь гортса пемöсьясöс недыр кад видзöм (недыр кад кежлö меститöм) вылö.

4.2. Специализируйтöм организация кутöм пемöскöд öттшöтш сетö приютö пемöссö учёт вылö босьтан торья карточка, мыйлысь формасö урчитöма Коми Республика мутасын кöзяинтöм пемöсьясöс видзан уджсö збыльмöдан пöрадокөн, мый вынсьöдöма Коми Республикаса Веськöдлан котырлөн шуöмөн.

4.3. Приютö пемöсьясöс босьтöм бöрын 12 час чöжөн ветеринария юкöнын специалист:

медводдзаысь видлалö найöс да доньялö налысь дзоньвидзалунсö;

пемöссö обработайтö паразитьясысь;

быд пемöсöс видлалан бöртасьяссö пасйö пемöссö учёт вылö босьтан торья карточкаö.

4.4. Осмотр дырйи тöдмалöны пемöслысь дзоньвидзалун серти öтувья клинической состояниесö, эмöсь либö абуöсь вуджан висьöмьяслөн ортсыса признакьясыс, доймалöмьясыс, пемöсьясöс лёка видзан признакьясыс, признакьяс сы серти, мый пемöслөн эм кöзяин, прöверитöны, помкатөг усыласьö-ö (оз усылась) пемöсыс, а сіджö урчитöны пемöслы энöвтны позьтöм ветеринария отсөг сетöмын да бурдöдöмын коланлунсö.

4.5. Приютö воём пемöсьясöс медводдзаысь видлалöм бöрын сэк, кор колö, сетöны налы энöвтны позьтöм ветеринария отсөг да бурдöдöны найöс.

4.6. Приютъяс асьныс сетöны пемöсьяслы энöвтны позьтöм ветеринария отсöгсö да бурдöдöны найöс сэк, кор эм колана оборудование, лекарство препаратъяс, условиеяс да ветеринария юкöнын специалистъяс либö корöны бокöвöй йöзöс накöд кырымалöм сёрнитчöм подув вылын.

4.7. Медводдзаысь видлалöм да дзоньвидзалунсö донъялöм бöрын тайö Пöрадоклön 4.3 пунктын индöм кадколастö кöзяинтöм став пемöссö меститöны карантин вылö.

4.8. Карантинируйтан мероприятиеяссö нуöдöны ветеринария юкöнын специалистöн видзöдöм улын 10 лун чöж.

4.9. Карантин дырйи пемöсьяслы оз позь контактируйтны приютö сöмын на воём пемöсьяскöд.

4.10. Карантинируйтан период помасьöм бöрын сутки чöжөн клиническöя дзоньвидза пемöсьяслы ветеринария правилöяс серти быть вöчöны бешенствоысь да мукöд висьöмысь, мыйяс вермасны вöчны лёктор мортлы да пемöслы, вакцина.

4.11. Ветеринария юкöнын специалист примитö пемöсьясöс стерилизуйтны позянлун йылысь помшүөмсö найöс видлалöм бöрын пемöсьяслысь арлыдсö, аслыспöлбслунъяссö да физиологическöй состояниесö тöд вылö босьтöмөн.

4.12. Оз позь стерилизуйтны пемöсьяссö, кодъяс воисны приютö да кодъяслөн эмöсь сыллі дом вылас либö мукöдтор вылын кöзяин йылысь тöдмөгъяс, а сідзжö кодъяслөн эм пасьян пас, микрочип, татуировка, жетон, пемöс тöдмалöм вылö мукöд юөр.

Тайö пунктын лыддьöдлöм пемöсьяссö, кодъясысь кöзяинъясыс öтказитчисны либö кодъяслысь кöзяинъяссö 6 тöлысь чöжөн эз аддзыны, колö стерилизуйтны öтувъя подувъяс серти.

4.13. Пемöсьяссö стерилизуйтöны налы 6 тöлысь тырöм бöрын торйөн оборудуйтöм жырйын (ветеринария блокын).

4.14. Пемöсьяссö, кодъяслөн кöзяиныс абу либö кодъяслөн кöзяинъясыс абу тöдсаöсь, быть колö маркируйтны (пасйыны) татшöм ногөн:

кодъясöс бөр колö лэдзны найöс кутанінъясö, маркируйтöны синмөн аддзана кульны да мыськыны позьтöм, вушйытöм да шондйысь вушйытöм меткаясөн пемöслөн пель пытшкас пельö пуктан торъя ярыюгид рöма бирка (клипсы) öшйöдöмөн, кöни эм пасьян (учёт вылö босьтан) номер, кутшöмöс тшöтш пасйöны кöзяинтöм пемöсöс учёт вылö босьтан торъя карточкаын да Кöзяинтöм пемöсьяссöс учёт вылö босьтан да пасьян журналын тайö Пöрадок дорö содтöдын индöм форма серти (водзö — Журнал). Колö, медым пельö пуктан биркалөн (клипсылөн) ыджаыс лöсяліс пемöслөн пель ыждадалы;

кодъясӧс кольӧны приютӧ, а сідзжӧ кодъясӧс сетӧны видзны да вӧдитчыны бокӧвӧй йӧзлы, маркируйтӧны чипируйтӧмӧн. Ветеринария юкӧнын специалист ӧтчдысь вӧдитчан аппликатор отсӧгӧн шоша улас суйӧ микрочип (транспондер). Микрочип (транспондер) — устройство, мыйлысь корпуссӧ вӧчӧма биосовместимӧй стеклӧысь, мый пытшкын эм микросхема, кӧні эм 15 паса аслас идентификационнӧй код, кутшӧмӧс тшӧтш пасйӧны кӧзяинтӧм пемӧсӧс учёт вылӧ босьтан торъя карточкаын да гижӧны Журналын кызди пасьян (учёт вылӧ босьтан) номер.

4.15. Приютын видзан пемӧсьяссӧ вины оз позь, сэтшӧм случайяс кындзи, кор колӧ дугӧдны овны вермытӧм пемӧсьяслысь мучитчӧмсӧ, сӧк, кор ветеринария юкӧнын специалист збыльысь аддзӧма, мый пемӧслӧн эм бурдӧдны позьтӧм сьӧкыд висьӧм либӧ ӧна доймалӧм вӧсна сійӧ оз бурд, мый вӧсна пемӧсыс овны оз вермы.

Виӧм серти лӧсялана процедурасӧ ветеринария юкӧнын специалист вӧчӧ гуманнӧя, мыйӧн гарантируйтӧ ӧдйӧ да дой кывтӧг кувсьӧм.

4.16. Ветеринария юкӧнын специалист примитӧ помшуӧмсӧ сы йылысь, мый эмӧсь петкӧдласьяс да коланлун пемӧс виӧм вылӧ.

Пемӧссӧ виӧм йылысь юӧрсӧ приют гижӧ пемӧссӧ учёт вылӧ босьтан торъя карточкаӧ.

4.17. Пемӧсьяслысь шойяссӧ, а сідзжӧ биологическӧй материалъяссӧ, кутшӧмьяс лӧмабсь пемӧссӧ стерилизуйтӧм да мукӧд хирургическӧй манипуляция бӧрын, бырӧдӧны биологическӧй шыбласьяс чукӧртан, утилизируйтан да бырӧдан ветеринарно-санитарнӧй правилӧяс серти. Бырӧдӧм вылӧ нутӧдз биологическӧй шыбласьяссӧ видзӧны биологическӧй шыбласьяс кынтан камераын.

V. Приютъясӧ пемӧсьясӧс вайӧм да приютъясысь найӧс нуӧм серти учёт нуӧдӧм да лӧсялана учётнӧй тӧдмӧгьяс видзӧм

5.1. Кӧзяинтӧм кутӧм пемӧсьяссӧ колӧ босьтны учёт вылӧ воан лунӧ.

5.2. Приют пемӧсьяссӧ учёт вылӧ босьтӧ да пасйӧ бумага вылын да электроннӧя.

5.3. Приютӧ воӧм быд пемӧс вылӧ оформитӧны пемӧссӧ учёт вылӧ босьтан торъя карточка форма серти, кутшӧмӧс урчитӧма Коми Республика мутасын кӧзяинтӧм пемӧсьясӧс видзан уджсӧ збыльмӧдан пӧрадокӧн, мый вынсьӧдӧма Коми Республикаса Веськӧдлан котырлӧн шуӧмӧн.

5.4. Пемöссö учёт вылö босьтан торъя карточкасö колö видзны сійö кад чöж, мый дыра пемöсыс олö приютын, а сідзжö 3 во чöж сійö лунсянныс, кор пемöссö приютын оз нин кутны видзны.

5.5. Приют пыртö пемöсьяс йылысь юöрсö Журналö.

5.6. Пемöсöс видзигөн сылөн кувсян лунö гижöны кöзяинтöм пемöслөн кувсьöм серти акт форма серти, кутшöмöс урчитöма Коми Республика мутасын кöзяинтöм пемöсьясöс видзан уджсö збыльмöдан пöрадокөн, мый вынсьöдöма Коми Республикаса Веськöдлан котырлөн шуöмөн.

Сэк, кор пемöсьяссö бөр сетöны налөн кöзяиньяслы либö сетöны бокöвöй йöзлы видзöм да вöдитчöм вылö сы могысь, медым водзö вылö босьтны пемöссö аслыныс, приютысь пемöссö сетöм йылысь юöрсö приют пасйö пемöссö учёт вылö босьтан торъя карточкаö сійöс сетан лунö.

VI. Пемöсьяслы лöсьöдöм приютын кöзяинтöм пемöсьяссö видзöм, важ оланіньясö кöзяинтöм пемöсьясöс бөр лэдзöм

6.1. Вакцинация, стерилизация, маркируйтöм (пасйöм) серти став колана уджсö помалöм бöрын кöзяинтöм пемöсьяссö, кодьяс помкатöг оз услясны, бөр лэдзöны важ оланіньясö Коми Республика мутасын кöзяинтöм пемöсьясöс видзан уджсö збыльмöдан пöрадок серти, мый вынсьöдöма Коми Республикаса Веськöдлан котырөн.

Кöзяинтöм пемöсьяссö, кодьясöс оз позь бөр лэдзны налөн важ оланіньясö, видзöны приютын кувсьытöдзыс либö татшöм пемöсьяссö бокöвöй йöзлы видзöм да вöдитчöм вылö сеттöдз сы могысь, медым водзö вылö босьтны пемöссö аслыныс.

6.2. Колö, медым быд пемöслөн вöлі торъя юкталан доз да медым пыр да урчиттöм мында сылөн вöлі сöстöм ва. Васö колö вежны суткинас 1-ысь оз гежöдджыка.

Быд пемöслы сёян вылö колö лöсьöдны торъя доз.

Колö, медым быд пемöслөн рационис, вердан нормаис да режимис лöсяліс пемöсьяслөн физиологиялы, энь (ай) рöдлы да арлыдлы, сылөн сикас да пöрöда серти аслыспöлöслуньяслы, пемöслөн физиологическöй состояниелы да дзоньвидзалунлы.

Пемöсьяслысь юкталан дозьясö да мискаяссö быд лун мыськалöны пемöсьяслы безопаснöй мыскан средствоясөн. Карантин жырйын либö изоляторын видзан пемöсьяслысь юкталан дозьясö да мискаяссö мыскöны мукöд пемöсöс юкталан дозьясысь да мискаясысь торйөн пемöсьяслы безопаснöй дезинфицируйтан средствоясөн вöдитчöмөн.

6.3. Пемосьяссö позьö видзны чукөрөн сэк, кор кутчысьöны öти пемöс вылö площадь нормаö, мый урчитöма тайö Пöрадоклөн 3.2 пунктөн.

Чукөрөн видзигөн оз позь öтлаын видзны абу öткодь сикас пемосьяссöс, скөр пемосьяссöс, öтувтны торья олан местаясысь зумыд группаяс (стаяяс).

Торйөн видзöны татшöм пемосьяссöс: висысьяссöс, омöля сёйöм вöсна либö лёк физиологическöй состояние вöсна эбöстöммöмьяссöс; том пемосьяссöс йöлөн вердан периодö; энь пемосьяссöс пьяннас; энь пемосьяссöс чуалан кадö, ыджыд тыра энь пемосьяссöс либö вайсян кадö нин.

6.4. Пемосьяссö позьö домавтöг гуляйтöдны вольерлөн гуляйтöдан площадкаян либö домалöмөн гуляйтöдöм вылö торйөн потшöм площадкаян.

Карантин вылын видзан пемосьяссö мукöд пемöскöд, кодьяссöс видзöны приютын, гуляйтöдны öтлаын оз позь.

VII. Пемосьяссö налөн кöзиянъяслы бöр сетöм, кöзиянтöм пемосьяссö выль кöзиянъяслы сетöм, доброволечьяслөн (волонтёрьяслөн) да пемосьяслөн кöзиянъяссөн приютьяссö волöм, пемосьяссöс видзан юкöнын канму дöзьöр нуöдысь органьяслөн корöм серти пемосьяссö найöс видзанін серти наён прöверка нуöдигөн сетöм

7.1. Пемосьяслы лöсьöдöм приютьясын видзöм пемосьяссö бöр сетöны кöзиянъясыслы либö сетöны бокöвöй йöзлы видзöм да вöдитчöм вылö сы могысь, медым водзö вылö босьтны пемöссö аслыныс наён гижöм шыöдчöм серти.

7.2. Сэк, кор пемöслөн сылi дом вылысь либö мöд эмтор вылысь аддзöма кöзиян йылысь тöдмөгьяс, а сiдзжö пасьян пас, микрочип, татуировка, жетон, пемöссö тöдмалöм вылö мукöд юөр, приют примитö кöзияныслы пемöссö кутöм йылысь быд позяна ногөн юөртан мераяс пемöссö кутöмсянныс 3 лунысь оз сёрджык.

7.3. Приютса уджалысьяс кöзиянтöм приютö веськалöм быд пемöс да пемöс йылысь, кодöс кийн кутöмысь кöзияныс öткажитчöма, тöдмөгьяссö (фотография, дженныда опишитöм, аддзан кадпас, места да содтöд тöдмөгьяс) йöзöдöны «Öтуввез» юөртан да телекоммуникация везйын приютö лöсялана пемöслөн воан лунсянь куим лунысь оз сёрджык.

7.4. Приютьяс сетöны позянлун вошöм пемосьяслөн кöзиянъяслы (вошöм пемосьяслөн кöзиянъяссөн уполномочитöм йöзлы) корсьны пемосьяссöс приютын видзан кöзиянтöм пемосьяссöс видзöдöмөн, йöзлы, кодьяс кöсйöны босьтны аслыныс

кутём пемөсьясөс, лэдзёны пемөсьясөс видзаніньясө сы могысь, медым видзёдны приютын видзан пемөсьясөс приютён урчитём приютё волан график серти.

7.5. Пемөсьяссө, кодьяслён сылы домьяс вылын либө мукөд эмтор вылын эмось кёзяиньяс йылысь тёдмөгьяс, сетёны бөр налён кёзяиньяслы сэк, кор найё петкөдлөны документьяс либө мукөд эскөдантор, кутшөмьяс эскөдөны пемөссө кыин кутан инөдсө либө пемөс вылө мукөд вещнөй инөдсө (родословнөй, ветеринарнөй паспорт да мукөдтор).

Сэк, кор документьясыс абуось, кутшөмьяс эскөдөны пемөссө кыин кутан инөдсө, пемөссө вермёны сетны мортлы, коді юөртө пемөс вылө кыин кутан инөдсө Россия Федерацияса оланпастэчасөн урчитём пөрадокын.

7.6. Приютьяслы да бокөвөй йөзлы, кодьяслы сетөмаось кёзяинтём пемөсьясөс видзём да вөдитчём вылө, быть колө найөс видзны колана ногөн да сэк, кор эм мыж, кывкутны пемөсьяс кувсьём да доймалём вөсна Россия Федерацияса оланпастэчас серти.

7.7. Кёзяинтём пемөсьяс вылө инөдыс артмө Россия Федерацияса гражданскөй кодексөн урчитём пөрадокын.

7.8. Быть карантинируйтан, вакцинируйтан, стерилизуйтан, маркируйтан мероприятияяс нуөдөм бөрын кёзяинтём пемөсьясөс дон босьттөг сетёны бокөвөй йөзлы наён гижём заявление серти.

7.9. Сы могысь, медым корсьны воём пемөсьясөс доброволечьяс (волонтёрьяс) да пемөсьяслөн кёзяиньяс вермёны воыны приютьясө быд лун сійө часьясө, кутшөмьясөс урчитёма приютлөн уджалан режимөн, сэтшөм луньяс кындзи, кор жырьяссө санитарнөй обработайтёны да дезинфицируйтёны.

7.10. Приютьяс сетёны пемөсьяссө найөс видзанін серти пемөсьясөс видзан юкёнын канму дөзьөр нуөдысь органьясса чина йөзлөн корём серти сэк, кор найё нуөдөны прөверкаяс.

Коми Республика мутасын пемöсьяслы лöсьбöдöм
приютъяслысь уджсö котыртан пöрадок да
сэни пемöсьясöс видзан нормаяс дорö
СОДТÖД
(форма)

**Кöзяинтöм пемöсьясöс учёт вылö босьтан да пасьян
ЖУРНАЛ**

Пасьян номер	Кутан кад- пас	Кута- нин	Пемöсл өн сикас	Пемöслөн энь/ай рöд	Пемöслөн арлыд	Пемöсл өн сьöкта	Стерил изуй- тан кадпас	Бирка номер	Бешенств оысь вакцинир уйтан кадпас	Микро чип номер	Сетöм (кадпас, кодлы сетöма)	Виöм (кадпас, акт номер)	Кувсьöм (кадпас, акт номер)
1	2	3	4	5	6	7	8	9	10	11	12	13	14

».